



**Uorden da taxas tier  
la lescha da baghegiar**

# **C u n t e g n**

---

<b>I.</b>	<b>Determinaziuns generalas</b>	<b>3</b>
Art. 1	Principi	3
Art. 2	Petent	3
Art. 3	Cuosts supplementar	3
Art. 4	Cass specials	3
Art. 5	Adattaziuun da taxas	3
<b>II.</b>	<b>Taxas</b>	<b>4</b>
Art. 6	Taxas	4
Art. 7	Taxas tier spazzadas da baghetgs	4
Art. 8	Negina taxa	5
Art. 9	Pareris ed expertisas	5
Art. 10	Scadenza	5
Art. 11	Tscheins da retard	5
<b>III.</b>	<b>Determinaziuns finalas</b>	<b>5</b>
Art. 12	Vigur	5

Sebasond sin art. 109 dalla lescha da baghegiar en combinaziun digl art. 90 dil reglament da fatschenta relai l'instanza da baghegiar il suandont uorden da taxas:

## I. Determinaziuns generalas

---

### Art. 1 Principi

<sup>1</sup> Quest uorden fixescha tuttas taxas che seresultan dallas proceduras da baghegiar sco era ulteriuras proceduras dalla polizia da baghegiar.

<sup>2</sup> Tuttas funcziuns e lavurs digl uffeci da baghegiar e dalla cumissiun da baghegiar ein suttamessas a taxas aschilunsch ch'ellas ein stipuladas en quest uorden.

<sup>3</sup> Ei la taxa per ina funcziun, in survetsch, ina lubientscha ni ina decisiun buca menziunada, sa la vischnaunca incassar ina taxa tenor il temps impundiu.

### Art. 2 Petent

La taxa paga quel che caschuna la lavur respectivamein l'expensa.

### Art. 3 Cuosts supplementar

Ultra dallas taxas fixadas sa la vischnaunca incassar ulteriurs cuosts ch'ina fatschenta caschuna.

### Art. 4 Cass specials

<sup>1</sup> Iis cuosts che seresultan dalla tractaziun da protestas vegnan adossai al recurrent, sche la protesta vegn refusada ni sch'eit vegn buca entrau sin il cass. En quei mument sto il recurrent pagar supplementarmein ina indemnisiun extraufficiala al petent.

<sup>2</sup> Resalvau restan taxas per lubentschas supplementaras e per examinaziuns ecologicas a norma dalla legislaziun speciala respectiva.

### Art. 5 Adattaziun da taxas

Stattan las taxas fixadas en quest uorden buca en relaziun cun la lavur impundida, sa l'instanza da baghegiar adattar ellas commensuradamein.

## **II. Taxes**

---

### **Art. 6 Taxes**

<sup>1</sup> Per la tractaziun d'ina damonda da bagheggiar e las controllas sco era per ulteriuras prestaziuns dall'instanza da bagheggiar vegn incassau las suandontas taxas

- a) Per summas d'investiziun entochen frs. 1'000'000.-- munta la taxa a 2.0 %, minimalmein frs. 100.--.
- b) Per la cumpart dalla summa d'investiziun che survarga frs. 1'000'000.-- munta la taxa 1.5 %.
- c) Per damondas da bagheggiar che vegnan retratgas e buca exequidas, resalva la cumissiun il dretg da quintar al petent tut las spesas ed il temps impundiu cun frs. 95.00 per ura, denton minimalmein frs. 100.--.
- d) Per damondas da bagheggiar che ston vegnir refusadas, vegn quintau tenor temps impundiu cun frs. 95.00 per ura, min. frs. 50.--.
- e) Per decisiuns preliminaras tenor temps impundiu, denton minimalmein frs. 100.--.
- f) Prolungaziuns dalla lubentscha da bagheggiar minimalmein frs. 100.-- tochen 10 % dalla taxa dalla lubentscha da bagheggiar.
- g) Annunzias da bagheggiar tenor art. 40 dall'ordinaziun davart la planisaziun dil territori per il cantun Grischun (OPTGR) vegn quintau ina taxa per la lavur administrativa da frs. 30.--
- h) Lubentschas supplementaras per midadas da project tenor temps impundiu cun frs. 95.-- per ura, denton minimalmein frs. 50.--.
- i) Lavurs supplementaras ed uatgas che seresultan pervia da munconza da plans ni tralaschadas enviers lubentschas e prescripziuns, sco era controllas supplementaras digl uffeci da bagheggiar pervia da munconzas, midadas da project suenter collaudaziun entras l'instanza da bagheggiar, vegnan quintadas tenor il temps impundiu cun frs. 95.-- per ura, minimalmein denton frs. 50.--
- j) Per controllas dil mussament d'energia vegn quintau ina taxa pauschala da frs. 200.--.
- k) Taxes per tractar revers ni cunvegnentschas che ston vegnir pertadas el cudisch funsil en connex cun in project da construcziun inoltraus minimalmein frs. 50.--.
- l) Taxes dalla polizia da fiug, taxes dallas corperaziuns d'aua, taxes dil cantun per lubentschas da bagheggiar ordeifer la zona da bagheggiar (BAB) ni autras taxes d'in uffeci cantunal ni federal, vegnan adossadas al petent.

<sup>2</sup> Las taxes dallas lubentschas da bagheggiar vegnan fixadas sin fundament dalla summa d'investiziun previda, indicada ella damonda da bagheggiar. En cass d'ina midada considerabla da quella summa, sa la taxa vegnir modificada posteriuramein conform alla valeta nova tenor schazetg ufficial.

### **Art. 7 Taxes tier spazzadas da baghetgs**

<sup>1</sup> Per spazzadas da baghetgs ordeifer la zona da bagheggiar vegn incassau negina taxa. Per spazzadas enteifer la zona da bagheggiar vegn incassau frs. 100.--.

<sup>2</sup> Tier tut las spazzadas da baghetgs sto vegnir annunziau alla instanza da baghegiar tgei che capetta cul sulom e co il terren vesa ora suenter la spazzada.

### **Art. 8 Negina taxa**

Neginas taxas vegn adossau a damondas da baghegiar che cumpeglian la vischnaunca e pleivs ni per indrezs che surveschan al generaless.

### **Art. 9 Pareris ed expertisas**

Ils cuosts per pareris, expertisas, lavurs da mesiraziun, eventuels cuosts dil register funsil e.a.v. vegnan adossai al petent.

### **Art. 10 Scadenza**

Las taxas per la lubientscha da baghegiar sco era eventuels auters cuosts en connex cun la lubientscha da baghegiar ein da pagar enteifer 30 dis suenter la retschavida dil quen.

### **Art. 11 Tscheins da retard**

Per pagaments da taxas retardai vegn incassau in tscheins da retard suenter la scadenza dil quen.

## **III. Determinaziuns finalas**

### **Art. 12 Vigur**

<sup>1</sup> Quest uorden ei vegnius approbaus dall'instanza da baghegiar en la seduta dils 18 da zercladur 2013 e passa en vigur cun ils 1 da fenadur 2013.

<sup>2</sup> Cun la vigur da quest uorden vegnan eventualas directivas davart las taxas per las proceduras da baghegiar cassadas.

### **Per l'instanza da baghegiar**

**Il president**

---

*Robert Bundi*

**Igl actuar**

---

*Peter Bearth*